

Tud ar vro - Bro Leon
Roll kanaouennoù - Dañs round

Son ar visiklet

An deiz all ur paotrig yaouank (2 w)
Da vont da bourmen en doa c'hoant, *trala lala* [na mont?]
Da vont da bourmen en doa c'hoant.

Ha kemeras e visiklet (2 w)
A hed ar "rimier" eñ oa aet, *trala la la*
A hed ar "rimier" eñ oa aet.

Ha diouzh an noz pa deuas en-dro (2 w)
E dad a yoa nec'het-marv, *trala la la* ("maro")
E dad a yoa nec'het-marv

Penaos va mab paour emezañ (2 w)
Div visiklet az peus bremañ, *trala la la* ("a-peus")
Div visiklet az peus bremañ.

Lezit va zad ma kontin deoc'h (2 w)
Ha me 'zo sur e komprenoc'h, *trala la la*
Ha me 'zo sur e komprenoc'h.

Mintin-mañ p'oan aet da bourmen (2 w)
'M eus kavet va dous war va hent, *tra la la*
'M eus kavet va dous war va hent,

An amzer a oa tomm-meurbet (2 w)
Hag an disheol hon oa klasket, *trala la la*
Hag an disheol hon oa klasket.

War ar geot glas p'oamp azezet (2 w)
Kalz diouzh hon dilhad oamp tennet, *trala la la*
Kalz diouzh hon dilhad oamp tennet.

Ha pa oamp hanter ziwisket (2 w)
Va dous din he deus lavaret *trala la la*
Va dous din he deus lavaret.

Selaou ganin Saïg, emezi (2 w)
Me 'ray dit ar pezh a gari *trala la la*
Me 'ray dit ar pezh a gari

Choaz ar pezh a blijo ganez, (2 w)
Netra dit ne refuzin ket *trala la la* ("nentra")
Netra dit ne refuzin ket.

Krediñ a reoc'h n'on ket bet nec'het (2 w)
Em eus choajet ar visiklet, *trala la la*
Em eus choazet ar visiklet.

Sod e vez al louarn pa wel ar yar (2 w)
Ha ma ned a ket d'he diskar *trala la la*
Ha ma ned a ket d'he diskar.